

supra gra. significatoris dirigendi, si quæris directionē, uel sup̄ gra. planetæ uel stellæ, cuius radios & aspectus quæris, & pone notam in æquinoctiali circulo sub eodem circulo horarum. Deinde pone in eodē circulo æquinoctiali alias notas directionis uel aspectus sicut dictū est supra. Deinde prædicto circulo horarum immobili permanente uolue sphaeram, quo facias, prout dictum est in opere præcedenti, & habebis quo de circulo signorum puenerit directio in anno proposito. Et quo extendentur aspectus & radij circuli. Et hoc secundū illos q̄ inuestigant & pronūciunt aspectus & radios planetarum & stellarū per modū dirigendi. Sed secundum ueritatem & modū, qui inferius declarabitur, cum uolueris aspectus & radios alicuius planetæ uel stellæ, per istud instrumentum, dispone sphaeram ad quodcunq; instans uolueris, ut dictum est supra. Deinde dispone prædictum circulū horarum super gra. planetæ uel stellæ, cuius radios & aspectus quæris, siue habeat latitudinē siue nō. Et pone notā sub eodē circulo in æquinoctiali circulo, sphaera immobili permanēte, uolue prædictū circulū horarū secundū successus signorum, pro radijs & aspectibus sinistris, contra uero successus signorum pro radijs & aspectibus dextris, donec inter prædictā notam & circulum prædictum, intercipiātur de gradibus æquinoctialis circuli, quātum est arcus cuiuslibet aspectus, cuius locum extensionis quæris, uidelicet aspectus sextilis aut quarti, aut trini aut oppositionis. Et nota gradū circuli signorum quē tangit prædictus circulus horarum, cū fuerit in terminis prædictorum aspectuū, quia ad prædictū gra. circuli signorū extendentur radij planetæ, quos quærebas. Est tamen notandū q̄ siue planeta dirigendus, aut planeta uel stella, cuius radios & aspectus quæris, habet latitudinem siue non, nihil refert, quia quando circulus anguli, uel circulus prædictus horarū, tangit significatōrē uel planetā uel stellam ostendit cum quo gra. oritur uel occidit, aut cum quo gra. mediat cœlum uel abyssum, et etiā cum quo gra. uenit ad quemlibet locum figuræ, et etiā ostendūt ascēssiones gr. utriusq; eorū in quocūq; loco figuræ fuerit. Vides quam